

SPORAZUM O SARADNJI

Zaključen u Sarajevu dana 09.09.2020. godine između:

1. KANTONALNA JAVNA USTANOVA DOM ZA DJECU BEZ RODITELJSKOG STARANJA, (u daljem tekstu: Dom za djecu) sa sjedištem u Sarajevu, ulica Bjelave 52, koju zastupa direktor Tarik Smailbegović

i

2. UDRUŽENJE ZA DJECU I MLADE U BOSNI I HERCEGOVINI „ IUVENTUS“, (u daljem tekstu: Udruženje) sa sjedištem u Sarajevu, ulica Muhidina Čomage br. 18, koju zastupa predsjednik Udruženja Zlatan Kovačević

Član 1.

Međusobna saradnja se bazira na uzajamnom razumijevanju i saglasnosti potpisnika Sporazuma, te pojedinačnim i zajedničkim aktivnostima usmejenim na realizaciju ciljeva Sporazma.

Član 2.

Potpisnici ovog Sporazuma su saglasni da su ciljevi ovog Sporazuma:

- Saradnja sa stručnjacima, roditeljima, hraniteljima i ostalim građanima koji žele da postojeće sisteme vezane za razvoj djece i mladih unaprijede i bolje prilagode individualnim potrebama svakog djeteta i mlade osobe koja je bila u Domu za djecu ili se trenutno nalazi u Domu za djecu;
- Saradnja na uvođenju modernih i efektivnih metoda rada sa djecom i mladima koji su bili u Domu za djecu ili trenutno borave u Domu za djecu;
- Saradnja na poboljšanju obrazovnog, zdravstvenog i socijalnog sistema s ciljem zadovoljavanja stvarnih potreba djece, mladih i njihovih porodica;
- Pružanje podrške u izradi projekata od značaja za pomoć i podršku djeci i mladima koji su u Domu za djecu ili su bili u Domu.
- Organizovanje edukacija i radionica koje za cilj imaju povećanje kvaliteta podrške djeci i mladima u Domu za djecu ili djeci i mladima koji su bili u Domu za djecu

Član 3.

Obaveze Doma za djecu su:

- Pružiti podršku u realizaciji ciljeva koji su definisani sporazumom;
- Obezbijediti prostor za održavanje edukacija i radionica ukoliko je planirano da se iste održavaju u objektu Doma za djecu;
- Omogućiti djeci i mladima da uzmu aktivno učešće u radionicama koje će biti organizovane u saradnji sa Udruženjem;

- Informisati Udruženje o potrebi za uvođenje određenim edukacija ili radionica za koje smatra da su od značaja za kvalitetniju podršku i pomoć djeci i mladima koji su u Domu ili koji su bili u Domu;
- U skladu sa mogućnostima podržati ideje Udruženja koje se odnose na planiranje i realizaciju aktivnosti u skladu sa ciljevima sporazuma;

Član 4.

Obaveze Udruženja su:

- Promovisati ciljeve udruženja među djecom i mladima koji su u Domu za djecu ili su bili u Domu;
- Inicirati projekte u koje bi bila uključena djeca koja su u Domu za djecu ili koja su bila u Domu;
- Obezbijediti stručno osoblje koje će djeci i mladima dati podršku kroz edukacije i radionice;
- Informisati Dom za djecu o planiranim aktivnostima u kojima će učešće uzeti djeca i mladi koji borave u Domu za djecu;
- Pružiti pomoć i podršku djeci i mladima koji borave u Domu za djecu ili su boravili u Domu za djecu u apliciranju za određene programe/projekte;

Član 5.

Sporazum o saradnji ostaje otvoren za izmjene i dopune, uz uzajamnu saglasnost potpisnika i na osnovu prijedloga i sugestija nosilaca obaveza iz ovog Sporazuma.

Član 6.

Sve nesuglasice će se rješavati u okviru postojeće pravne regulative i u duhu tolerancije i razumijevanja.

Član 7.

Ovaj Sporazum je sačinjen u 4 (četiri) primjerka, od kojih svaka strana zadržava po 2 (dva) primjerka.

**KJU DOM ZA DJECU BEZ
RODITELJSKOG STARANJA**

████████████████████
████████████████████

DIREKTOR

Tarik Smailbegović

Broj: 2021/20

**UDRUŽENJE ZA DJECU
I MLADE U BIH., IUVENTUS“,**

████████████████████
████████████████████

PREDSJEDNIK UDRUŽENJA

Zlatan Kovačević

Broj: 22 /20